



साःगु भिंगु मरिचरिया नितिं लुमका दिसँ !

लक्ष्मण जमाल 'चिलिमि' प्रोप्राइटर

लाखा छैँ
LAKHA CHHEN

सोन्हुटे, वडा नं. १६, येँ, फोन नं.: ४५६०७५८

२२ सालया आन्दोलन लुमन : ख्यालिजुजु श्रेष्ठ किंयम्ह त्यक्तित्व हन, रमेश ताम्राकार लुमन्ति सिरपा निशायात

● लहना संवाददाता

वंगु शनिबाः अर्थात मार्च ३०, धायेबलय् थुगुसीया मार्चया लिपांगु शनिबाः। हलिं नेवाः दबूया आह्वानय् दैय्दसं मार्च महिनाया लिपांगु शनिबाः हलिं नेवाः दिं हनेगु यानाच्वंगु दु। हलिंन्यक थीथी देशय् च्वनाच्वीपिं नेवाःतय्सं थुगु दिनय् थीथी ज्याइवः यानाः हलिं नेवाः दिं हनेगु यानाच्वंगु दु। व हे इवल्य 'सांस्कृतिक प्रवर्द्धनया निरतिं हलिं नेवाः दिं' धइगु नाराजिसै वंगु शनिबाः न्हय्क्वःगु हलिं नेवाः दिं हंगु दु। न्हय्क्वःगु हलिं नेवाः दिंया इवल्य नेपाःया ज्याइवः वंगु शनिबाः यल लाय् कुलिइ केशव नारायण चोकय् जुल।

हलिं नेवाः दबू नेपाः देय् मू कवःया ग्वसालय् जुगु ज्याइवल्य वरिष्ठ कलाकार मदनकृष्ण श्रेष्ठ भाषा सम्बन्धि थुगु ज्याइवलं थःत २२ सालय् रेडियो नेपालं जीवन दबू ज्याइवः लिकाःगु ई लुमंकूगु धयादिल। 'न्हापा रेडियो नेपालया जीवन दबू ज्याइवलं मोहनि, स्वान्ति वःगु गुला वःगु सियाच्वनी। तर व ज्याइवः बन्द जूबलय् दकव नेवाःतय् नुगलय् स्यात, नेवाःतय्सं साहित्यमार्फत थःगु विरोधया सः थ्वयेकूगु व दिं थौं लुमनाच्वन' कलाकार श्रेष्ठ धयादिल। २२ सालया व हे भाषा आन्दोलन जुगु



इलय् गठन जुगु मुनासः संस्थां थौं थःत कलाकारया रुपय् थने हःगु श्रेष्ठ धयादिल।

हलिं नेवाः दबू नेपाः देय् मू कवःया नायः सुरेन्द्रभक्त श्रेष्ठ थनिं न्हय् दै न्हयः सन् २०१८य् नेपालय् ग्लोबल नेवाः कन्फरेन्स यानाः हलिं नेवाः दिवस हनेगु न्ह्याःगु लुमंकादिल। 'हलिं नेवाः न्हियात मान्यता बीकाः पंचाग निर्णायक समितिया क्यालेन्डरय् दुथ्याकेत राज्ययात दवाब बियाच्वनागु दु। लिसै थगुने प्रधानमन्त्री नेवाः

अध्ययन अनुसन्धान प्रतिष्ठान गठन यायेगु प्रतिवद्धता प्वंकादीगु खः। उकिया लागिं नं पहल जुयाच्वंगु दु, थुकी सकसिगु साथ माःगु दु' नायः श्रेष्ठ धयादिल। हलिंन्यक न्यनाच्वीपिं नेवाःतय्त छगू हे दबुलिइ थनाः नेवाः भाय्, तजिलजि व अधिकारया लागिं सः ल्हवनेगु छगू माध्यमया विकास यायेगु आज्जु दुगु दिवसयात सकसिन थःगु हे तायेकाः हनेत वय्कलं इनाप यानादिल।

ज्याइवःया मेपिं वक्तातय्सं

साहित्यमार्फत न्ह्याःगु भाषिक आन्दोलन आः राजनैतिक अधिकार प्राप्ति या निरतिं न्ह्याःवनेमाःगु खँय् बः ब्यूगु खः। ज्याइवल्य बागमती प्रदेश सांसद रघुनाथ महर्जन, प्रेमभक्त महर्जन, हरिप्रभा श्रेष्ठ खड्गी, यल प्रमुख जिल्ला अधिकारी तुलसी बहादुर श्रेष्ठ, यल प्रहरी परिसरका प्रमुख बरिष्ठ प्रहरी निरीक्षक शेखर खनाल, नेवाः देय् दबूया नायः पवित्र बज्राचार्य, यल महानगरपालिका १६ वडा अध्यक्ष निर्मल रत्न शाक्य, समाजसेवी अमृतर

तल शाक्य, वर्ल्ड नेवाः अर्गनाइजेसनया केन्द्रीय न्वकू शाक्य सुरेनलिसै पाहाँकथं भायादीगु खः।

उगु हे ज्याइवल्य थःथःगु ख्यलय् योगदान ब्यूपिं थीथी व्यक्तित्वयात हंगु नं खः। व इवल्य भाषा ख्यलं भाषासेवी राजा शाक्य, साहित्यपाखे सुवर्ण शाक्य, चित्रकलापाखे किरण मानन्धर, कासा ख्यलं भारतोलनया महेश्वर महर्जनयात हंगु खः। अथेहे, स्वास्थ्य क्षेत्रय् नेपालय् दकले न्हापां मृगौला प्रत्यारोपण याःम्ह डा. पुकार चन्द्र श्रेष्ठ, मिसा उद्यमी सुसन कर्माचार्य, पर्यटनपाखे अजय स्थापित, इतिहास अध्ययनय् इतिहासविद् योगेन्द्रमान श्रेष्ठ सम्मानित जुल। व हे कथं, कला ख्यलं कलाकार लिसै निर्देशक पवन जोशी, सामाजिक क्षेत्रय् समाजसेवी युतीकाजी कसाः, पत्रकारिता क्षेत्रं सुरेश किरण मानन्धर, अन्तर्राष्ट्रिय संस्थाय् नेपाः पासा पुचः अमेरिकाय्, मोफसलय् नेवाः संस्कृति, भाषाय् योगदान ब्यूगु धासैं भी पुचः विराटनगर, प्रशासन क्षेत्रं पूर्वमन्त्री लिसै आइजीपी ध्रुवबहादुर प्रधानयात हंगु खः। ज्याइवल्य लोककवि राजभाइ जकःमिं च्यायादीगु व जुगल डंगोल लसय् हनादीगु हलिं नेवाः त्यं ७ पेजय्

केन्द्रीय मानन्धर संघया ७१ वःगु स्थापना दिवस

केन्द्रीय मानन्धर संघया देय् न्यक च्वंगु मानन्धर समुदाययात दुथ्याकाः स्वयम्भू भवय् क्वचाःगु दु। देय् न्यक च्वपि मानन्धरपिन्त भवय्या नकेगु जिम्मा थुगु दैय् वःघःया वाका देय् वटु सनाः खलः काःगु खः। अथेहे मेगु दैया लागि न्यूरोड पाक्व पुखुधां मानन्धर सनाः व्यवस्थापन यायेगु जिम्मेवारी लाःगु

दु। 'स्वयम्भू भवय् ग्वसाः ग्वयेगु उलि अःपूगु ज्या मखु। जिमिसं भुइख्यलय् भवय्या व्यवस्थापन यायेगु लागि जक सच्छि मल्याक स्वयंसेवी परिचालन यानागु दु।' वटु त्वाःया विजय कुमार मानन्धरं धयादीगु दु। अथेहे ज्याभूवःया कजि नाप संघया सहायक सचिव त्यं ७ पेजय्

Trendiest Fashion At Price You Love

ufo

तांग्वःया पासा कुल्फी/आइसक्रिम भपिया दिसँ।

Himalayan Ice

घौं दुरु, छ्यः बठर व क्रिम बजारय् उपलब्ध दु

सुवेविनायक नगरपालिका, वडा नं. १, मिन्टार धन्सार, स्वयं ९८४९६४८३२५, ९८०८६०८७२५



नेवाः राष्ट्रिय म्ये

चवमि : दुर्गालाल श्रेष्ठ लय् चिनामि : तिर्थ माली

धुन दने धुन सँन्त्यलं भी फुककं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भूमिइ अष्टमण्डल ह्यांगु चाः दुने थी नगु
भीगु नेवाः ध्वाँय् थ्व हे खः ज्यान भी सकस्यां छगू
जातितय् स्वायत्त राज्य लुइ कर्प च्वय् भिलिमीलं
राष्ट्र भःभः धाय्क न्ह्याके भीगु चःतिं भीगु हिं

ल्यासे ल्याय्म्ह मदुगु देय् जुजुं वनीगु संभावना



श्रीकृष्ण महर्जन नेवाः

स्वनिगलं पिने जिल्ला जिल्लाया वनेगु इलय् गां गामय् खालि जुजुं वनाच्चंगु खनी। बुँ फुककं बाँभ जुयाच्चन। गां हे ल्यासे ल्याय्म्हपिं मदुगु थें जुया वनाच्चन। छम्ह निम्ह जक ल्यासे ल्याय्म्हपिं खनी। ज्याथः ज्याथीपिं जक खनी। अले इलय् ब्यलय् थः मां अबु मन्त धाःसां दिपय् वया लः छकः त्वकः मवल धइगु घटनात जुयाच्चंगु दु। गुलिं युवात ज्या यायेगु नामय् अले गुलिं आखः ब्वनेगु नामय् वनाच्चन। ज्या यायेत वनीपिन्सं ला ज्या याइ अले छैय् थःगु जन्म भूमिइ ध्यबा छ्वया हइ। थःगु हे जन्म भूमिइ जग्गा न्याइ। छै न्याइ। सम्पाति मुंकी। अन्तत लिहां वइ। तर आखः ब्वनेगु नितीं वीपिन्सं अप्वःसिन् ला ध्यबा ज्वना वनी। उलिं जक मगाना आः वया ला थःगु कुलया सम्पाति तर्क मिया ध्यबा यंकेगु यानाच्चन। थःगु बंशया छै बुँ तर्क मिया ध्यबा ज्वना वनेगु यानाच्चन। अले अन हे छै न्यायेगु यानाच्चन। थुकिं याना ला स्पष्ट जुइ कि अज्वःपिं थन लिहां वइ मखु। इपिं अन हे च्वनी। अनया नागरिकता काइ। अले नेपालय् वयेगु धइगु इपिं विदेशय् चाःहिउ वयेथें जुइगु जुल।

गां गामय् च्वीपिन्सं धाइ। गामय् सुं मनु छम्ह मन्त धाःसा अस्पताल यंकीपिं मदु। अस्पतालय् पिंया च्वनीपिं मदु। गां गामय् विकासया नामय् ध्यबा वनाच्चंगु दु। अन ज्या याइपिं मदु। स्कूल कलेज भन भन खाली जुया वनाच्चन। जग्गा न्याय् मिइगु ज्या तसकं म्हो जुल। छै छै खाली जुयावन। छैय् च्वनीपिं मदया भ्वाबः जुया वन। गां त्वःता वने मफुपिं ला कमजोर परिवार महसूस जुइगु अवस्था बल्लन। विदेशय् वने मफुसा यँय् जूसां वयेमाःगु अवस्था जुल। यँ वया ज्या यायां बाय् आखः ब्वब्व नं विदेशय् वनेगु तयारी यानाच्चनी। कयौ युवात कोरियन भाषा, जापानिज भाषा लगायत सयेकाच्चंगु दु। इपिं धइगु विदेशय् वनेगु तयारी खः। अज्वःगु इन्च्यूटत यक्व हे स्वनिगलय् संचालन जुयाच्चंगु दु।

स्वनिगलं पिनेया नेवाः वस्तीत स्वल धाःसां अज्वःगु हे अवस्थाय् दु। अनच्चीपिं युवात कि त विदेशय् कि यँय् वयाच्चंगु दु। छगू उदाहरण काये काभ्रेपलाञ्चोक जिल्लाया दाप्चा। तसकं चर्चित थाय्। अन स्वःवन धाःसा छ्वा निखा छैय् मनुत च्वनाच्चंगु दु। अप्वः याना छैय् मनुत हे मदु। अथे हे दोल्खा नं खः। अनया बर्च्छिसिबें अप्वः मनुत कि तर्क यँय् दु मखुसा विदेशय् दु। अथे पन्ति स्वःसां अथे हे खः। नेवाःतय्गु स्वनिगलं

पिनेया वस्तीइ नं छँखाप्वाः पतिकं पिहां वनाच्चीपिं बाय् यँय् वयाच्चीपिं मदइ हे मखु। थुगु ल्याखं स्वल धाःसा नेवाःतय्गु वस्ती वस्ती नं खाली जुजुं वनाच्चंगु दु। थ्व हे तालं वन धाःसा व वस्ती मनुत मदुगु वस्तिया रुपय् रुपान्तरण जुइत यक्व ई माली मखुत। पन्ति, दाप्चा, दोल्खा लगायत नेवाः वस्तीइ जात्रा जुइगु इलय् यँय् नं म्वः म्वः मनुत वनी। दोल्खायापिं ला धाइ कि बुगद्यःया जात्रा अर्थात रातो मच्छिन्द्रनाथया जात्रा यायेत यँय् नं मनुत मवन धाःसा जात्रा हे जुइमखु। उकिं अबले अन मनुत यक्व हे दइ। थुकिया अर्थ यक्व हे मनुत यँय् च्वनाच्चंगु दु धकाः स्पष्ट जू।

गामय् च्वीपिं शहरय् वयाच्चना उकिं शहरय् मनुत यक्व दु थें च्वनाच्चंगु दु। तर बास्तवय् स्वल धाःसा शहरय् नं निखा छँ ल्याः खात धाःसा छ्वा छैया मनु विदेशय् छम्ह कि छम्ह वनाच्चंगु दु। शहरय् नं

ज्यायात न्ह्यःने यंके फयाच्चंगु मदु। थुगु खँय् दलया नेता कार्यकर्तासैं बिचाः यायेगु ला कि मयायेगु ? नेपाल सरकारं कृषिया नितीं विशेष योजना हइ कि महइ धकाः न्ह्यसः नं ब्वलनाच्चंगु दु। देय्या कुल क्षेत्रफल मध्ये १५ प्रतिशत हिमाल, १७ प्रतिशत तराई व ६८ प्रतिशत पहाडी लाग्गु दु। थनया चा परिक्षण याना छु थासय् छु उत्पादन जुइगु खः अज्वःगु हे कथंया उत्पादनया नितीं राज्य योजना दयेकेमाः। आः सामुहिक कृषिया विकास यायेमाः धकाः तर्क धायेगु यानाहःगु दु। थनया चायात त्वःगु कथंया कृषि यात धाःसा अवश्य नं उकिं उत्पादन अप्वया वइ।

नेपाःया राजनीतिक दलया नेतासैं थनया ल्यासे ल्याय्म्हपिन्त निराश याये मज्यू। अप्वः याना ल्यासे ल्याय्म्हपिं राजनीति खना निराश जुयाच्चंगु दु। देशय् न्ह्याबलें राजनीतिक रुपं समस्या धकाः



विदेशय् मवंगु परिवारयात कमजोर परिवार कथं नं कायेगु यानाहःगु दु। ब्वनेगु नितीं बाय् ज्या यायेगु नितीं न्ह्यागु जूसां नं थःगु परिवारया मस्त विदेशय् वनेमाःगु महसूस यानाहःगु दु। गां गामं शहरय् मनुत वयाच्चंगुलिं जक शहरय् मनुत म्हो मजुथें च्वनाच्चंगु खः। तर बास्ताविकता अथे मखु। शहरय् च्वीपिं मनुत नं यक्व हे विदेशय् वनाच्चंगु दु। शहरय् च्वीपिन्सं ला ब्वनेगु निधिं धकाः वनीगु अले थनया ध्यबा तर्क ज्वना वनेगु, बुँ छै मिया तर्क ज्वना वना अन हे छै न्याना च्वनेगु यनाच्चन। थ्व ह्यालं स्वल धाःसा ला शरहया अवस्था भन ग्यानपुसे च्वं।

ल्यासे ल्याय्म्हपिं पिने अप्वया वनाच्चंगु। ब्वनातःपिं थन मच्चनीगु। थ्व अवस्थां भीगु देशय् गुगु कथं विकास जुइमाःगु खः जुयाच्चंगु मदु। ल्यासे ल्याय्म्हपिं मदुगु देय् जुजुं वनाच्चंगु दु। गुगु देशय् ल्यासे ल्याय् म्हपिं दइमखु अन कृषि लगायतया उत्पादन दइमखु। युवात दुगु थासय् हे कृषि उत्पादन जुइगु अले भौतिक संरचनात निर्माण जुइगु खः। बुँ बाँभो जुया वनाच्चंगु समस्याया जक छँ ल्यायेगु मखु आः वया गम्भीर जुइमाः। अले समाधानया लँपुयात नं नालेमाः। बैज्ञानिक कृषियात पूर्ण रुपं नाले फयाच्चंगु मदु। कृषि क्रान्तिया नितीं सरकारं थीथी योजना हयेमाः। कृषि ज्या याइपिन्तं विशेष ब्यवस्था यायेमाः। कृषि ज्या याइपिं नामय् थः कार्यकर्तात लहिइगु ज्या नं थन जुयाच्चन धइगु खँ दु। उकिं नं कृषि

धायेगु। अले दलया नेता व दल अथे हे खः धकाः धायेगु यानाच्चंगु दु। इपिं राजनीतिप्रति छफुति हे आशावादी मजू। उकिं नं ल्यासे ल्याय्म्हपिं पिने वनाच्चंगु खने दु। ल्यासे ल्याय्म्हपिं गुलि अप्वः पिने लानावन उलि हे देय् कमजोर जुया वनी धकाः राजनीतिक दलया नेतासैं थुइकेमाः। उकिं ल्यासे ल्याय्म्हपिन्त थन हे माःगु कथंया ज्या बिइगु नितीं ब्यवस्था यायेत गज्वःगु ज्या यायेमाः धइगु खँय् ध्यान तयेमाःगु अवस्था सदु। थन ल्यासे ल्याय्म्हपिं हे मन्त धाःसा छुकिया नितीं राजनीति यायेगु धकाः न्ह्यसः तयेमाःगु ई वःगु दु।

थौं देय् ल्यासे ल्याय्म्हपिं मदुगु देय्या रुपय् हिला वनाच्चंगु खँ नुगलय् विशेष याना सरकारया नेतृत्व यानाच्चीपिं मन्त्रीपिं, राजनीतिक दलया नेतासैं तयेमाःगु दु। मां अबु मन्त धाःसां दिपय् वया लः त्वंकेगु नितीं तर्क काय् म्हायिपिं वयाच्चंगु मदु धकाः थुइकेमाः। अस्पतालय् भर्ना जुल धाःसा कुरुवा च्वनीपिं मस्त मदया वनाच्चन धकाः थुइकेमाः। गां गां जक मखु शहर तर्क ल्यासे ल्याय्म्हपिं मदुगु थाय्या रुपय् हिला वनाच्चन धकाः थुइकेमाः। ल्यासे ल्याय्म्हपिं मन्त धाःसा देय् गज्वःगु देय् जुइ धकाः बिचाः यायेमाः। थुगु खँय् थौं हे गम्भीर मजुल धाःसा कन्हय् वना देशय् हे गम्भीर समस्या वयेफु धकाः ध्यान तया योजना सहित सरकार व राजनीतिक दलत न्ह्याः वनेमाःगु अवस्था वःगु दु।

सम्पादकीय



सहकारीइ दोषी खनेदुपिन्त याकन कारवाही याः

सर्वसाधारणपाखे ध्यवा संकलनयाना अपचलन यागुलि यक्को हे सहकारीइ जनताया अर्ब स्वया अप्पो ध्यवा दुबे जुगु अवस्थाय् दु। सहकारी थीथी लोभ क्यना ध्यवा संकलन याना सहकारी मूल्य मान्यता अःखः लगानी यागु व सञ्चालकतय्स थःपिन्स यःथे अबौ ध्यवा लगानी यागुलि देशया अर्थ व्यवस्थाय् तक समस्या वःगु दु। स्वंगु तहया अर्थनीतिइ मू थहां कथं कयातःगु सहकारी छ्यलय् संकट वगुलि अर्थतन्त्रया चक्रयात हे दबाबय् वःगु खः। थ्व हे हुनियाना हे तधःगु धयातःगु सहकारी हे धराशायी जुयावगुलि मनु तय्गु सहकारीपाखे भलसा मदया वंगु खनेदु। अथेहे मनुतयेगु अरव स्वया अप्पो ध्यवा दुबे जुया आर्थिक संकट अप्पोया वगु खः।

थथे सहकारीइ संकटवया गुलि पारिवारिक विखण्डन, सामाजिक सदभाव स्यंगुलि छु न लेखाजोखा मदु। वास्तवय् धायेगु खःसा आः सहकारी गुलि मनु तयेगु ध्यवा दुबे जुगु दु, आः थ्व धुका छु यायेगु धइगु न्ह्यसः न सरकारयाके दु, न प्रदेश सरकार याके दु, न स्थानीय सरकारयाके हे दु।

सहकारी देयन्यक स्वयेगु खःसा २५ हजार स्वया अप्पो दु धइगु तथ्यांकय् दु। सहकारीयात स्थानीय तहनिसे सहकारी विभागं अनुगमन लिसे नियम यायेगु कानुनी व्यवस्था दुगु कारण सहकारीया एकीकृत तथ्यांक लुइकेगुलि समस्या वयाच्चंगु दु। सहकारीइ जम्मा जुगु ध्यवां सहकारी सञ्चालकतय्स थः यःथे कारोबार यागुलि न थथे तधःगु समस्या वःगु खनेदु। लखं मनुतयेगु अरव ध्यवा कारोबार जुइगु सहकारीइ गुकथं व्यवस्थित यायेगु, थुकियात नियमन सूना यायेगु, थुकिया विधि छु जुइफु, गज्यागु निकायपाखे यायेगु ? धइगु कानुनय् अन्योल न्हापानिसे दु मनुतयेस याउक ध्यवा मूकेफइगु धइगु सहकारी हे खः। उकिइ जम्मा यागु ध्यवा सञ्चालक तयेसं गलत नियत मेथाय् लगानी याउगुलि हे थौं थ्व समस्या वःगु खः। म्हो आय दुपि व सर्वसाधारण मनुतयेसं बचत यायेगु बानी व मागु इलय् याउक अपूक ध्यवाया व्यवस्थापन यायेगु सहकारी बालागु छगु माध्यम खः। थौंया इलय् सहकारी विधि कथं सञ्चालन जुया वयाच्चंगु धाःसा थथे समस्या वःगु खने मदु।

सहकारी सञ्चालकतय्गु गन नियत खराब दु, मेपिनिगु ध्यवा चाः चाः हे सू ना म्हास खन, म्वामदुगु थासय् लगानी यागु, अज्यागु सहकारीइ जक हे समस्या वःगु खने दु। थुकियाना हे देयन्यकया अर्थ व्यवस्थाय् छु भन्ना प्रभाव लागुलि असर जुगु जुइफु। सहकारीइ समस्या वःगुलि राष्ट्रिय राजनीति तक प्रभावित लागु अवस्थाय् दु। थ्व हे बिषययात कया संघीय संसद् न्ह्याके फुगु मदुनि सत्ता पक्ष व प्रतिपक्ष दथुइ संसदय् सहकारीयात कया आरोप-प्रत्यारोप तक जुयाच्चंगु दु। विशेष याना वर्तमान गृहमन्त्रीइ सहकारीइ यागु ध्यवा अपचलनयात संसद् अवरुद्ध तक याःगु खः। अथे खःसा गृहमन्त्री संसदीय समितिइ उगु द्रपःया खण्डन यायेगु धुकुगु दु। अयन, सार्वजनिक जुगु तथ्य व प्रमाणं गृहमन्त्री उम्के जुइगु स्थिति धाःसा मदु।

गृहमन्त्रीया थज्यागु बिषय वयाच्चंगु न्ह्यसः, गुलि तथ्य सार्वजनिक जूगु दु, थुकिइ गृहमन्त्री अनुसन्धानया दायरा दुने वयेमाः। अनुसन्धान प्रक्रिया राजनीतिक खिचातानी बिषय स्वया तथ्यय् वनेमाः। अनुसन्धानपाखे गृहमन्त्री दोषी जुइगु जक मखु, दोषं मुक्त जुइगु अवस्था वयेफुलि गृहमन्त्रीयात संसदीय वा न्यायिक छानबिन जुइमाः।





छँखापतिकया बाखं



सुधीर स्वबि

छगू हे लसं बाः वनाच्चंगु खुसि
दुवातय् थ्यंबलय् बाया वनाकि
व लःया नुगः स्याइ कि स्याइमखु
जिं मस्यु
वसन्त निसें हेमन्त तक
छगू हे नुगः जुया
प्याखँ हुलाच्चंगु हःत
शिशिरतक थ्यनिबलय्
अथे अथे हे कुतुवन कि
हःया आत्मा ख्वइ , ख्वइमखु

सिमां छु बिचाःयाई, याइमखु
थ्व नं जिं मस्यु
जिं स्युगु थुलि जक खः कि
जि लः मखु
हः नं मखु
ख्यलनिसें गुँचका तक थाहाँ वंगु
महगस थें जाःगु मतिना यात्रा
छपु दुवातय् थ्यनेवं
ल्हाः स्वब्याकाः वनीबलय्
वंहेसिया नुगः लयताःसां
मेगु नुगः गथे लयताये फइ ?
खुसिं फिब्वयात त्वःताः वनीबलय्
फिब्वया नुगः लः थें बाःबाः वनी कि
कि ल्हवहँ थें छाइ ?
खः वनीहेसिया आज्जु
महासागर खः
जिं स्यु बांलाक हे
तर,
तर पियाच्चनिहेसिगु आज्जु, यात्रा
थःगु चाय् दुसुना वनेगु खः
थ्व थौंकन्ह्यु
छँखापतिकया बाखं जुयाच्चंगु दु ।

चिबाखं

‘अबु’



ज्ञानीराजा मानन्धर

ज्यां लिहाँ वयाखत प्याःचायेका
वःम्हं बेखां आँख्वरा हे प्वंक लः
त्वन । चःतिं जाःगु ख्वाः । सुकुली
फ्यतुनाः भ्रसुकाः तल । कलातं

“म्वाःल । तस्कं हे ताःन्वः ।
मैंचा ख्व ले सा ?” धयाः न्यन ।
“क्वथाय् हे दु । कन्ह्यु तःधंगु
जाँच दु हँ, ब्वनाच्चन । “
“येय् । बजि निगःचा ति रे, दु
ला ?”
“दु । बजि जक स्वकं नयेगु ला
? खें छाः ल्यं दनि । जिं कालावी
न्हि ।”

कलातं छाः जक ल्यं दनि
धाःगुलिं बेखा “म्वाःल, म्वाःल ।
जाँच धयाः ब्वनाच्चंहेसित हनिचा



ख्वाःहुसा बिल । ख्वाल्य् जाया च्वंगु
चःति च्वत्यंक हुयाछ्वत । कलातं
न्यन “ च्या त्वनेगु खःला ?”

बहःनी नकि ।”
धयाः थः स्वकं बजि भ्वाःतिनाः
लः त्वनां प्वाःजाःम्ह थें धक्का तल ।

हलिं नेवाः दबूया हलिं नेवाः म्ये

लहना डेस्क

हलिं नेवाः दबू हलिमय् न्यंकभनं
च्वनाच्चिपिं नेवाःतय्यु मंकाः संगठन
खः । हलिमय् न्ह्यात्थाय् च्वसां भी
नेवाः धैगु भावना ब्वलंकाः नेवाः छधी
यानाः भीगु मांभाय्, लिपि, संस्कृति,
नखःचखः, रितीथितिया संरक्षण यायेगु व
थौंया ईयात ल्वयेक राष्ट्रिय व अन्तर्राष्ट्रिय
ज्याभ्वः न्ह्याकाः मुक्कं नेवाः जातिया
उत्थान यायेगु हलिं नेवाः दबूया मू तातुना
खः । थ्व तातुना पूर्वकेत व हलिं नेवाः
दबूया नां म्हुतुइ म्हुतुइ चाकेगु तातुना थ्व
हलिं नेवाः दबूया हलिं नेवाः म्ये दबूया के
न्द्रीय नायः संयुक्त श्रेष्ठया परिकल्पनाय्
निर्माण यायेगु ज्या जगू दु । लोककवि
राजभाइ जकःमिया म्यसुयंगु च्वसां थुगु
म्येया रचना जगू खः । लोककवि जकःमि
थौं कन्ह्यु हलिं नेवाः दबूया साहित्यिक
एक्सडर नापं अमेरिकाया संस्था
नेपाः पासा पुचः अमेरिकाया सम्मानार्थ
संरक्षक नं खः । भी स्वाभिमानी पुर्खापिं
लुमंकाः थौंया न्ह्यु युगयात ल्वयूक भी
नेवाःत न्ह्याः वनेमाः धैगु थ्व म्येया मू
सन्देश खः । नेपाः देय्या आदिवासी
नेवाः धैपिं नेपाः देय्या थुवाः खः, थौं
वयाः नेवाः धैपिं संसारय् न्यना वनाच्चिपिं
संसारया हे वासिन्दा खः धैगु गौरवया
खँ थ्व म्येय् दुथ्यानाच्चंगु दु । भीगु
म्हसिकाया नापनापं जन्मभूमि व कर्मभूमि
भीगु ज्यान खः धैगु दृष्टिकोण थुकी
न्ह्यथनातःगु दु । नेपाः देय्या सगरमाथा
संसारया गजू खः थें संसारया नेवाःतय्यु
गौरवया संस्था हलिं नेवाः दबू खः धैगु
तःजिगु भावना प्वंकाः संस्थाया गरिमा
च्वन्त्याकातःगु दु । थुगु ल्याखं थुगु म्ये
नेवाः जातिया राष्ट्रिय व अन्तर्राष्ट्रिय
दृष्टिकोणं बिलिबिलिं जाःगु नेवाः
गौरवया म्ये खः ।

थ्व म्येया म्येवःयात ल्वयूक
नांजाःम्ह संगीतकार जुगल डंगोलं लय्
चिनादीगु दु, न्हू पस्तायात यइकथंया
लय् वयूकलं निर्माण यानादीगु दु । वयू
कःया बाजं ग्वसाः नं उलि हे न्ह्याइपुसे
च्वं । नेपालभाषाया नांजाःपिं वरिष्ठ
म्येहालामिपिं जुजुकाजि रजित, पवित्र
कसाः, सतिश महर्जन, रिता महर्जन, दिपा
महर्जन व रत्नशोभा महर्जनपिनिगु यइपुगु
सलय् थ्व म्ये रिर्कड जगू खः । थुकथं
हे नांजाःपिं कलाकारपिंसं अभिनय् यानाः
थ्व म्येयात अभ च्वये थकयाः ब्युगु दु ।
थुकी दुथ्याःपिं कलाकार व न्ह्यलुवापिं
थुकथं दु , हनेबहःम्ह मदनकृष्ण श्रेष्ठ,
यमन श्रेष्ठ, हिंसिला महर्जन, भिन्तुना



जोशी, लसता जोशी, आशिष्मा
नकःमि, गणेशराम लाछि, समीर
महर्जन, महिन्द्र प्रधान, मनोहर श्रेष्ठ, नरे
श शाक्य, तुलसी चित्रकार, अनित श्रे
ष्ठ, महेन्द्र बीर बज्राचार्य, सोहम सैजु,
जीवन प्रधानाङ्ग, राजीब बताजू, सविता
महर्जन, अशिष्मा नकमी, शान्ती
महर्जन, बिजय मान सिंह, केशरमान
ताम्राकार, सीजन श्रेष्ठ, दया रत्न शाक्य,
दीपक डंगोल व मनोज तुलाधर, बिगे
न तुलाधर, हिंसिला महर्जन, जुजुकाजि
रजित, पवित्र कसाः, सतीश महर्जन,
रिता महर्जन, दीपा महर्जन, रत्नशो
भा महर्जन, भगवती महर्जन, राजभाइ
जकःमि, धर्म देव महर्जन, सुरेन्द्रभक्त श्रे
ष्ठ, रमेशमान मुनिकार व लसता जो
शी, कृष्ण चंखु, बाल गोपाल श्रेष्ठ व
संयुक्त श्रेष्ठ, रुक्मणी मानन्धर अभिनय
यानातःगु दु ।

थ्व म्येया संकिपाया निंतिं
नेपालय् थाय्थासय् वनाः भिडिओ
रिर्कड यानादीपिं नेवाः सुचना केन्द्रया
राजेन्द्र रजित व हलिं नेवाः दबूया मिडिया
एग्सेसडर विगेन तुलाधरपिं सुभाय्या
पात्रापिं खः । थुगु म्येया अडियो तयार
यायेत व व्यवस्थापनया निंतिं हलिं नेवाः
दबूया सल्लाहकार डा. लोचन मानन्धर,
समाजसेवी सुनिलकृष्ण श्रेष्ठ व जकःमि
हःपाः दबूपाखें आर्थिक ग्वहालि
चूलाःगु खः ।
हलिं नेवाः दबू हलिं न्यंक
न्यनाच्चिपिं नेवाःतय्यु मंकाः संस्थाकथं

हलिं नेवाः म्ये

नेपाः देय्या सगरमाथा संसारया गजू
संसारया गौरव भीगु हलिं नेवाः दबू ।

मांभाय्, लिपि, कलाकृति,
संस्कृति स्वां ह्वयूके
न्ह्यात्थाय् वंसां न्ह्यात्थाय् च्वसां
नेपाः नस्वाः वयूके
जन्मभूमि - कर्मभूमि ज्यान हे खः भीगु
संसारया गौरव भीगु हलिं नेवाः दबू ।

पुर्खापिं थें भी नं थःगु
तुतिं चुयाः हे म्वाय्
मन्मन् स्वानाः भी भी जानाः
न्ह्यु युगय् हे न्ह्याय्
नेपाः देय्या थुवाः खः भी संसारया मन्
संसारया गौरव भीगु हलिं नेवाः दबू ।

न्ह्यानाच्चंगु दु, थ्व ल्याखं हलिं नेवाः
दबूया म्ये दबूया जक मखु, हलिंया
भी सकल नेवाःतय्यु मंकाः म्ये
कथं अर्थात अन्तर्राष्ट्रिय नेवाः म्ये
कथं सकसिनं नाला काइ धैगु भलसा
कयाच्चना ।

हलिं नेवाः म्येया निंतिं स्वयान
यानादिसें ।



हरेक मंगलवार
राष्ट्रियताको लागि समर्पित

मेरो साप्ताहिक
मेरो साप्ताहिक Mero Saptahik
मालाः मालाः ब्वनादिसें ।

100% Vegetarian
Sweet Cave
Sweets - Namkeen - Fast Food

Sweet Cave
(जीवन दाईया पसः)
Kalimati, Kathmandu, Nepal
Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन,
बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।
आउटडोर भेज क्याटरिङ्ग पनि गरिन्छ ।

खवपय् नेवाः होली महोत्सव



महाकालि नृत्य कला परिषद, खवपया ग्वसालय् खवपय् नेवाः होलि महोत्सव ज्याइवः जुल। उगु ज्याइवल्य् नेवाः कलाकारिता ख्यःया आपालं कलाकःमि मुना थवंथवय् रंग इलाः होलिया भिंतुना देछाःगु खः। उगु हे ज्याइवल्य् निर्देशक विश्वास

बज्राचार्यया बसन्तया बेला व निर्देशक बालमुकुन्द प्रजापतिया दिलमाया बोलया निपु म्युजिक भिडियो पितब्वज्या जूगु खः।
परिषदा न्वकु ओमचरण अमात्यया सभापतित्वय् जूगु ज्याइवल्य् कला ख्यःया

न्त्यलुवा आशाकाजी थकू मूपाहां कथं भायादीगु खः।

ज्याइवल्य् नेपालभाषाया न्हांपाम्ह सिने पत्रकार विजयरत्न असंबरे, नांजाम्ह नेवाः संकिपामि सुरेन्द्र तुलाधर, संगीतकार जुगल डंगोल, भक्तपुर लेडि जेसिजया पूर्व अध्यक्ष सबिका त्वायनाबासु, परिषदया प्रमुख सल्लाहकार ध्रुव नारायण श्रेष्ठ लगायत पितब्वज्या जूगु निपु म्युजिक भिडियोया निर्देशकपिं विश्वास बज्राचार्य व बालमुकुन्द प्रजापति पाहाँ कथं उपस्थित जुयादीगु खः।

सांगीतिक ज्याइवः नं जूगु उगु ज्याइवल्य् सरस्वति मानन्धर, कृष्ण महर्जन, मन्जिल शाक्य, जयलक्ष्मी सिद्धि बज्राचार्य लगायत म्यै हालाः न्यंकादीगु खः।

भाषासेवी राजदास श्रेष्ठ मन्त

सक्वय् च्वनाः नेपालभाषाया सेवा याना च्वनादीमह नांजाःमह साहित्यकार लिसें समाजसेवी इन्जिनियर राजदास श्रेष्ठ वंगु विहीवाः सुथय् मंत। वय्कःयात वंगु छवाः न्ह्यवनिसें सक्वया सुष्मा कोइराला मेमोरियल अस्पतालया वासः याकातःगु खःसा सुथय् वासः याकुयाकुं मडुगु खः। भाजु श्रेष्ठ ७६ दैँ दुम्ह खः। छुं दैँ न्ह्यवनिसें वय्कः सक्वया छैँ त्वःताः चौकी भञ्ज्याङ धाःगु थासय् एकान्त व रमणीय छैँ दनाः च्वनेगु यानादीगु



खः। वहे छैँय् वय्कलं थुगुसी महाकवि गिरिजाप्रसाद जोशीया बुन्दि हनेगु ग्वसाः समेत यानादीगु खः। वय्कःया निम्ह काय्पिं दु।

२२ सालया.....

म्ये नं सार्वजनिक याःगु खः। लिसें दयारत्न शाक्यं च्वयादीगु नेवारलोजी माएर्टस सफूया नं विमोचन जूगु खः। ज्याइवल्य् थीथी कलाकारतयगुपाखें सांगीतिक ज्याइवः नं जूगु खः। सन् २०११य् लण्डनय् डा. बाल गोपाल श्रेष्ठया नेतृत्वय् हलिं नेवाः दबू न्ह्याःगु खः। दबूया कथं थौं तक थ्यंबल्य् २० स्वयां अप्वः देशय् च्वीपिं नेवाःत दबुलिइ संगठित जुइधुकूगु दु।

याःगु खः। फर्पिंडया हरिशंखर जात्रा सञ्चालन याना वयाच्वंगु दक्षिणकाली नगरपालिकाया सुरेन्द्र मानन्धरयात नगद २५ नाप हनापौ देछागु खः।

अथेहे, प्रा. डा. जगदीश नारायण मानन्धरं स्थापना यानातःगु बेखा नारायण देव कुमारी राष्ट्रिय प्रतिभा पुरस्कार खुगु दशकनिसे स्वास्थ्य सेवा प्रदान याना वयाच्वंगु क्षेत्रपाटी निःशुल्क चिकित्सालययात नगद ५० हजारनाप हनापौ लःल्हागु खः।

केन्द्रीय मानन्धर....

कृष्ण बहादुर मानन्धरं 'जिमिसं नेपाल रेडक्रस सोसाइटी गणबहाः शाखानाप समन्वय याना हिदान न यानागु खः। ज्याभूवल्य् यक्को हे आकस्मिक हिदाना न याये धुकुगु दु' धका वय्कलं धयादीगु दु। ज्याभू वल्य् १०५ क्वःतक हिदानयाम्ह उदेन न्हूसायमियात हना ज्याभू वः न याःगु खः। थुगु स्वयम्भू भव्य २०१० माघ १० गते देवीदास मानन्धरया संयोजकत्वय् गठन जूगु केन्द्रीय मानन्धर संघया ७१ क्वःगु स्थापना दिवस हंगु खः। स्वयम्भूजु उगु ज्याभूवल्य् समुदाय दुने राजनीतिक नेतृत्वय् थ्यपि जनप्रतिनिधि, ज्या जक्वः याये धुकुपि जेष्ठ नागरिक, उत्कृष्ट कासामि, न्हुगु ब्याहायापि व शिक्षा ख्यल्य् थीथी विद्यावारिधीयापिन्त न हंगु खः।

अथेहे बनेपाया मोहनलाल खिं मानन्धरया लुमन्तिइ स्थापना याःगु कोष थुगु दैँय् डा. भगवानदास मानन्धरयात नगद ५० हजार नाप सिरपा देछागु खः। नेपाल संवतयात अन्तर्राष्ट्रियकरण यायेगु कथं कम्प्युटर प्रविधिनाप स्वागुलि उगु सम्मान

इमेज च्यानल टेलिभिजनया महाप्रबन्धक लिसे समाजसेवी रघुवर भक्त मानन्धरं प्रा. रामभक्त-सानुनानी मानन्धरया नामय् स्थापना यानातःगु सिरपा डा. राजु, डा. राजभाइ व डा. विनिता मानन्धरयात लःल्हागु दु। ज्याभूवल्य् द्वारिका नारायण-हिरादेवीया नामय् मातृभाषा प्रवर्द्धनार्थ स्थापना जूगु सलिंचा मचा नेवाः सिरपा संवीद व रोनिमा मानन्धरयात लःल्हागु खः। मानविकी संकायय् स्नातकोत्तर तह नेपालभाषा विषयय् अप्पो ल्याःहम्ह अनिल स्थापितयात सत्यतारा सम्मानपाखे हंगु खः। एमबीबीएस, एमडी, प्लस टु, एमए, कम्प्युटर साइन्स, बीई, बीबीए, एसईईई अप्पो ल्याः हपिन्त हनेज्या यागु खः। ज्याभूवल्य् बागमती प्रदेशया सांसद लिसे पूर्वमन्त्री माननीय बसन्त मानन्धर, यैँ महानगरपालिकाया प्रवक्ता नवीन मानन्धर, रामेछापया सुनापाती गाउँपालिका, काभ्रेया बनेपा नगरपालिका, दक्षिणकाली नगरपालिका, यैँ महानगरपालिकाया जनप्रतिनिधि, बाँकेया नेपालगञ्ज, सुनसरीया इटहरी, मकवानपुरया हेटौँडा, पर्साया वीरगन्ज, चितवनया रत्ननगर, स्याङ्जाया क्याम्पेया जनप्रतिनिधिपनिगु न ब्वति दुगु खः।

हाडीगामय् नेपालभाषा साहित्य तःमुँज्या

नेपालभाषा साहित्य तःमुँज्या यैँया ग्वसालय् स्वक्वःगु नेपालभाषा साहित्य तःमुँज्या विशालनगर हाडीगांया भिद्यःयाथाय् जुल। ज्याइवः स्थानीय देय् थकाली देवदास डंगोलं त्वाःदेवाय् मत च्याकाः उलेज्या यानादीगु खः। ज्याइवल्य् प्रदेश सांसद सुरेन्द्रराज गोसाईं देय् थकाली देवदास डंगोलयात दोसल्ला न्येकाः हनापौ देछासें हनेज्या याःगु खः। ज्याइवःया मूपाहां संघीय सांसद प्रेम सुवालं साहित्य वाचनय् न्हाप, लिउ व लियां लिउ लाःपिं साहित्यकारतय् सिरपाः व दसिपौ लःल्हानादीगु। ज्याइवल्य् ओमनरहरि श्रेष्ठ न्हाप, कमलबहादुर डंगोल लिउ, रमेशमान महर्जन लियां लिउ व पूर्णिमा मगरयात हःपाः सिरपाः लाःगु खः।

टंगाल माविया अनिता बस्यल व अनिता आलेमगरया नेपालभाषाया चिनाखं सुरु जूगु ज्याइवल्य् लोककवि राजभाई जकःमिं कविताय् विचार पक्ष नाप कला पक्ष नं बांलायेमाः



धयादिसें न्हूपिं च्वमिपिंत हौसला बीकथंया मचा चिनाखं न्यंकादीगु खः। हाडीगांया बारे विज्ञ इतिहासकार डा. सुदर्शनराज तिवारी भाषा, कला, साहित्य, वास्तुकला, धर्म संस्कृतिया केन्द्रय् हे च्वना थज्याःगु ज्याइवः जूगु तसकं बांलाः धयादिसें लिच्छविकाल तक नं राजधानी जुयाच्वंगु हाडीगां विशालनगर मल्लकाल लिपा तहसनहस जुवंसां थनया ऐतिहासिक विषयवस्तु आः नं ज्वःमडुगु दनि

धयादिल।
नेपालभाषा साहित्य तःमुँज्याया नायः रत्ना शेर्पा डंगोलया सभापतित्वय् जूगु ज्याइवल्य् बागमती प्रदेशया सांसद राजेन्द्र प्रजापति, भेटेनरी डाक्टर अन्जिरमान सिं, साहित्यकार रोचक घिमिरे, प्रा. धर्मराज डंगोल, चन्द्रबहादुर श्रेष्ठ, महन्त महर्जन लगायतया साहित्यकार, लेखक व च्वमिपिंसं थःथःगु न्वचु व रचना न्ह्यब्वयादीगु खः।

फोनिजया का.वा. महासचिव समिर बलामी



नेपाल आदिवासी जनजाती पत्रकार महासंघ (फोनिज) या महासचिव मिलन लिम्बुयात राष्ट्रिय स्वतन्त्र पार्टी न इलाम-२ य् उम्मेदवारी दयकेगु घोषणा याये धुकुगु दु। अय्त, लिम्बु फोनिजय् थःमहेगु महासचिव पदं राजीनामा बिउगु मडुनि थ्व हे विषययात कया फोनिज अस्तित्व प्वकूसे लिम्बुयात पदबाट राजीनामा

बिइत निर्देशन बिउगु खः। थौ आइतवाः अध्यक्ष गजुरधन राईया अध्यक्षताय् यैँ च्वंगु आकस्मिक सचिवालय बैठक उगु निर्णययासे सचिव समीर बलामी जारी याःगु विज्ञापितइ उल्लेख याःगु दु। संघीयता विरोधी पार्टीया उम्मेदवार जूगु धासे पहिचानवादीपाखे आलोचना जुयावयाच्वंम्ह लिम्बूयात महासचिव पदं राजीनामा बिइत निर्देशन बिउगु

धका फोनिज सचिवालयं धाःगु दु। थौ आइतवाः यैँ च्वंगु फोनिज सचिवालयया आकस्मिक बैठक मिलन लिम्बूया थासय् समीर बलामीयात कार्यवाहकया जिम्मेवारी बिउगु खः।

Binod Maharjan
9841369552, 9808644666

बि.आर्ट्स

B. Arts

Nayabazar, Kirtipur
4335491, b.arts4335491@hotmail.com

- ★ Banner, Flex Board
- ★ Glow Sign Board
- ★ Sticker Cutting / Printing
- ★ Screen/ Rubber Print
- ★ Self-ink/ Rubber Stamp
- ★ PVC(ID)/ Visiting Card
- & all kinds of press works

हलिं नेवाः दिंया लसताय् प्यम्हेसित हन



यलया गोदावरी लागाय् न्यक्वःगु हलिं नेवाः दिवस नापं नेवाः देय् दबू महालक्ष्मी नगर समितिया प्यक्वःगु बुसादैं हंगु दु। देय् दबूया केन्द्रीय नायः पवित्र बज्राचार्यया मूपाहांसुइ जूगु उगु ज्याइवल्य् प्यम्हेसित हनेज्या याःगु खः। बागमती

प्रदेशय् नेपालभाषायात सरकारी कामकाजि भाषाया रुपय् लागू याकेगु नितिं ऐन निर्माणया नितिं जनस्तरपाखें भूमिका म्हितादीम्ह दबूया स्वनिगः विशेष प्रदेशया नायः नापं पत्रकार श्रीकृष्ण महर्जन, नेपाल स्वयंसेवी रक्तदाता समाजया केन्द्रीय नायः नापं

आः तकया दुने दक्ले अप्वः १७७ क्वः हि दान यानादीम्ह प्रेमसागर कर्माचार्य, समाजसेवी चन्द्रबहादुर/सुभद्र श्रेष्ठ नापं समाजसेवी रविन्द्रप्रसाद नेमकुलयात हनापौ लःल्हाःगु खः। देय् दबू महालक्ष्मी नगर समितिया नायः विजय महर्जनया सभाध्यक्षताय् जूगु उगु ज्याइवल्य् देय् दबू स्वनिगः विशेष प्रदेशया नायः श्रीकृष्ण महर्जन, हि दान यानादीम्ह प्रेमसागर प्रजापति, कानुन व्यवसायी नरेश श्रेष्ठ लगायतपिन्सं नेवाः तयगु समस्यापिन्सं नेवाः तयगु थीथी सवालयात कया नुगः खँ तयादीगु खः।

युवा वचत सहकारीयात कारवाही यायेत माग

यलया हःखाय् च्वंगु युवा वचत सहकारी वचतकर्तापिनिगु ध्येबा नयाः बिस्युं वनाच्चगुलिं उगु सहकारीया संचालकपिन्त कारवाही यायेमाःगु माग यासैं आइतवाः पीडित वचतकर्तापिन्सं सहकारी भवन न्ह्यःने ब्यानर व प्लेकार्ड ब्वयाः विरोध प्रदर्शन याःगु दु।

वचतकर्तापिन्सं धाःकथं उगु सहकारीया नायः मदयेधुंकूगु व संचालकपिन् न्ह्यःने खनेमदुगु व थःपिन्सं तयातःगु ध्येबा लितमब्यगुलिं थथे विरोधय् पिहाँ वःगु खः। यलया थीथी त्वाल्य् च्वीपिं मिसापिन्सं थथे सहकारीया संचालकपिन्त कानूनी दायराय् हयेमाःगु व इमिगु चल अचल

सम्पति जफत यायेमाःगु लिसेंया माग यासैं हःखानिसैं पूचवतक जुलुस पिकासैं यल महानगरपालिकाय् थ्यंकाः ज्ञापनपौ लःल्हाःगु खः। वचतकर्तापिन्सं उगु सहकारी थ्यंमथ्यं २५ करोड वचतकर्तापिनिगु ध्येबा नःगु व १७ करोड तका मदुम्ह नायः नं त्यासा कयाः मपूगु खँ धाःगु दु।

भूमिगत जलभण्डारको संरक्षण गरौं

- अव्यवस्थित शहरीकरण र औद्योगीकरणले जमिनमुनिको पानीको सतह घटिरहेको,
- स्वच्छ पिउने पानीको अभाव र वातावरण प्रदूषण बढेको,
- खेतियोग्य जमिनमा सिंचाई हुन नसकेको र कृषि उत्पादन घटेकोले:

भूमिगत जलस्रोतको पुनर्भरणका लागि:

- जलाधार क्षेत्रको संरक्षण गरौं,
- ग्रामीण भेगमा आहाल, पोखरी र तालतलैयाको निर्माण गरौं,
- शहरी क्षेत्रमा वर्षातको पानीमार्फत पुनर्भरणको विकल्प सहितका पूर्वाधार निर्माण गरौं,
- पानी पुनर्भरणमा सहयोग गर्ने प्रजातिका बोटविरुवा रोपौं,
- द्रुत जलप्रवाह हुने स्थानमा चेक ड्याम लगायतका नवीन प्रविधिको प्रयोग गरौं,
- भूमिगत पानीको पुनर्भरण कार्यलाई प्रोत्साहन गरी जल भण्डारणमा वृद्धि गरौं।
- दिगो विकासमा योगदान गरौं।



नेपाल सरकार
विज्ञापन बोर्ड

भावपूर्ण श्रद्धाञ्जली

जिम्हि भिचितामि हनेबहम्ह भाजु निर्मल महर्जनजुया मां व स्याःन्याम्ह पासा सनिर महर्जनया अजि मोहन माया महर्जन मदुगुलिं वय्कःया आत्मा सुखावती भुवनय् बासं लायेमा धइगु मनंतुसैं दुःखकःपिं सकल छैजःपिन्त बिचाः हायेका

उत्तम कुमार श्रेष्ठ
प्रधान सम्पादक
khabarcenter.com

भिमसेन बाबु श्रेष्ठ
प्रकाशक
नयाँबजाः, येँ

भावपूर्ण श्रद्धाञ्जली

जिम्हि भिचितामि हनेबहम्ह भाजु निर्मल महर्जनजुया मां व स्याःन्याम्ह पासा सनिर महर्जनया अजि मोहन माया महर्जन मदुगुलिं वय्कःया आत्मा सुखावती भुवनय् बासं लायेमा धइगु मनंतुसैं दुःखकःपिं सकल छैजःपिन्त बिचाः हायेका

अमृता श्रेष्ठ, प्रवन्ध निर्देशक
मित्र प्रेस प्रा.लि.
खुसिबुँ, उत्तमचोक, येँ

नेवाः सरोकारया अनलाइन पत्रिका

Swoniga Online

नेपालभाषाया अनलाइन पत्रिका

लहनाश्रद्धा
www.lahananews.com

छत्रपाटी निःशुल्क चिकित्सालय (अस्पताल)

"स्त्रीय शूलभ स्वास्थ्य सेवा सकसियां निति, असहायया निति जक निःशुल्क"

उपलब्ध सेवा

<p>२४सै घण्टा सेवा</p> <ul style="list-style-type: none"> ● इमरजेन्सी ● प्याथोलोजी ● एक्स रे ● ई.सी.जी ● औषधि पराम ● अन्तरंग सेवा 	<p>शल्यक्रिया</p> <ul style="list-style-type: none"> ● मोरिबिन् ● ज्वरन समेदी ● क्वः दान चाँदी समेदी ● हाइजेनी क्वः नाग समेदी ● बिना बिरफार सिस्त्र नलीको क्वः समेदी 	<p>बहिरंग सेवा</p> <ul style="list-style-type: none"> ● मुह रोग ● गद रोग ● घुरोलीजी ● नवी रोग ● क्वः दान रोग ● क्वः दान रोग ● रक्त रोग ● अर्था रोग ● अन्तरंग मेडिसिन ● क्वः लया रोग ● नाक कान चाँदी रोग ● अन्तरंग इन्जिन क्वः अंग ● माइरोइड ● नपुम्ह 	<p>मेमेजु सेवा</p> <ul style="list-style-type: none"> ● ट्रेसिङ ● इण्ट्रोस्कोपी ● कोन्तोस्कोपी ● फिजियोथेरापी ● अल्ट्रासाउण्ड, क्वः ट्वनर र टोको ● घुरोली इन्टरको इन्जिनियरिङ ● टिएम.ए. इन्टर
--	--	---	---

२४ घण्टा इमरजेन्सी सेवा

७०८ गंगालाल मार्ग, छत्रपाटी, काठमाडौं, फोन: ४२९६९३८, ४२५७९९९, ४२६६२२९